



Broj: 07-14-679/18
Vogošća, 26.04.2018. godine

Na osnovu člana 69. stav 2. tačka tačka e), člana 70. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst i 14/15), Općinski načelnik dana 26.04.2018. godine donio je

**ODLUKU
O PONIŠTENJU POSTUPKA JAVNE NABAVKE RADOVA U SLUČAJU HITNIH
INTERVENCIJA NA OBJEKTIMA KOMUNALNE INFRASTRUKTURE U 2018. GODINI NA
PODRUČJU OPĆINE VOGOŠĆA**

Član 1.

Poništava se postupak javne nabavke radova u slučaju hitnih intervencija na objektima komunalne infrastrukture u 2018. godini na području općine Vogošća broj: 07-14-679/18, jer je cijena jedine formalno-pravno prihvatljive ponude znatno veća od osiguranih sredstava za predmetnu nabavku.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Općinski načelnik je dana 11.04.2018. godine donio Odluku o pokretanju postupka nabavke radova u slučaju hitnih intervencija na objektima komunalne infrastrukture u 2018. godini na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 12.04.2018. godine pod brojem: 1353-7-3-58-3-32/18.

Tendersku dokumentaciju sa Portala javnih nabavki BiH je preuzelo 13 (trinaest) ponuđača. Krajnji rok za dostavu ponuda je bio 23.04.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 23.04.2018. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 07-14-679/18 iz aprila 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	Konzorcij "Ame" d.o.o. Breza i "Fazum-gradnja" d.o.o. Ilijaš	85.051,50	/	/	99.510,26
2	"Hidrom" d.o.o. Vogošća	68.836,50	/	/	80.538,70

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Hidrom" d.o.o. Vogošća, ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. TD pod a), a u skladu sa članom 51. Zakona traženo je da je ponuđač u posljednjih 5 (godina) godina računajući od dana podnošenja ponude, kao glavni izvođač radova realizovao minimalno jedan projekat čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 60.000,00 KM bez PDV-a.

Tačkom 7.4.2. TD pod a) je traženo da se u svrhu dokazivanja ispunjenja uslova iz tačke 7.4.1. pod a) dostavi spisak izvršenih ugovora u ukupnom iznosu od 60.000,00 KM bez PDV-a u posljednjih 5 (pet) godina računajući od dana podnošenja ponude-referenc lista, koju sačinjava ponuđač na svom memorandumu sa potvrđama o izvršenim ugovorima od strane krajnjeg korisnika u skladu sa članom 48. stav 2. Zakona.

Ponuđač "Hidrom" d.o.o. Vogošća je u svojoj ponudi dostavio potvrde o izvršenim ugovorima od strane krajnjeg korisnika, u skladu sa članom 48. stav 2. Zakona, međutim propustio je da dostavi spisak izvršenih Ugovora-referenc listu traženu TD.

- Tačkom 7.4.1. TD pod b), a u skladu sa članom 51. Zakona propisano je da je ponuđač/kandidat dužan imati na raspolaganju između ostalog i 2 izvršioca, minimum KV radnici-rukovaoci građevinskim mašinama.

Tačkom 7.4.2. TD pod b) je traženo da se za 2 izvršioca, minimum KV radnici-rukovaoci građevinskim mašinama kao dokazi dostave Diplome/svjedočanstva o završenoj stručnoj spremi i dokazi o radnom angažmanu, a koji mogu biti Izvodi iz matične evidencije uposlenih (PIO/MIO), Lista osiguranih lica iz Poreske uprave-nadležne ispostave, Potvrde-uvjerenja izdata od strane poslodavca, Ugovori o djelu, Ugovori o poslovno tehničkoj saradnji, shodno tački 7.4.1 b.

Ponuđač "Hidrom" d.o.o. Vogošća je u svojoj ponudi (strana 65. ponude) dostavio Uvjerenje broj: 3594/15 od 17.12.2015. godine, izdato od strane Proving d.o.o. Sarajevodruštva za protivpožarni inženjering i poslove zaštite na radu, kojim se dokazuje da se uposleniku firme "Hidrom" d.o.o. Vogošća Anelu Veliću priznaje stručna osposobljenost rukovaoca građevinskim mašinama.

Komisija za javne nabavke cijeni da dostavljeno Uvjerenje nije u skladu sa traženim dokazima iz tačke 7.4.2. pod b) TD i da ne ispunjava uslove postavljene u TD (tražene su Diplome/svjedočanstva o završenoj stručnoj spremi).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Komisija za javne nabavke je utvrdila da ponuda Grupe ponuđača-Konzorcija "Ame" d.o.o Breza i "Fazum-gradnja" d.o.o. Ilijaš, ispunjava formalno-pravne uslove, odnosno zahtjeve Ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude Grupe ponuđača-Konzorcija "Ame" d.o.o Breza i "Fazum-gradnja" d.o.o. Ilijaš, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Obzirom da ponuda Grupe ponuđača-Konzorcija "Ame" d.o.o Breza i "Fazum-gradnja" d.o.o. Ilijaš sa ukupnom ponuđenom cijenom u iznosu od 85.051,50 KM bez PDV-a, prelazi procijenjenu vrijednost nabavke u iznosu od 68.000,00 KM bez PDV-a, Komisija za javne nabavke je dana 24.04.2018. godine zatražila izjašnjenje od nadležne Službe, da li može obezbijediti razliku sredstava u iznosu od 17.051,50 KM bez PDV-a za realizaciju predmetne nabavke.

Služba za komunalne, poslove mjesnih zajednica i zajedničke poslove se aktom broj: 07-14-679/18 od 25.04.2018. godine očitovala da ne može obezbijediti traženu razliku sredstava za realizaciju predmetne nabavke.

Iz navedenih razloga, a primjenom člana 69. stav 2. tačka e) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o poništenju postupka nabavke radova u slučaju hitnih intervencija na objektima komunalne infrastrukture u 2018. godini na području općine Vogošća, iz razloga jer je cijena jedine formalno-pravno prihvatljive ponude znatno veća od osiguranih sredstava za predmetnu nabavku.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. Grupa ponuđača-Konzorcij "Ame" d.o.o Breza
i "Fazum-gradnja" d.o.o. Ilijaš
2. "Hidrom" d.o.o. Vogošća
3. Nadležnoj Službi
4. U dosije
5. a/a

032/783-936

033/434-942

OPĆINSKI NAČELNIK

EDIN SMAJIC